

В. И. Ленин төрдж гарад 88 джил болсн өдриг орн-нутг невтән байртагъар темдглев

Апрелин 22 — алдр Ленин төрдж гарсн өдр орн-нутгин балгъсд болн селадар байрин сән өдр болдж темдглев.

Мана Төрскнә зәрм балгъсдар болн селадар Коммунистическ партия болн нарт делкәд түрүн болгч социалистическ государствиг токтасн В. И. Ленинд бумб секлгънд нерәдсн байрин митингс болв.

Москвичнр болн хотл балгъсна гиичнр өрүн эртас авн Улан площадь, мавзолейюр йовлдцхав. Хотл балгъсна школин пионерүдбичкн ленинцнр кенъкргән цоксн, дунъган татсн байртагъар мавзолейюр ирцхав. В. И. Ленин төрдж гарсн өдрт нерәддж эдн мавзолейин өөр байрин хурлгъ кегъад, ургъмл цецгс тавцхав.

Хуучн авьясарн, тавн зу гар көгшн большевикүд чигн Улан площадь деер ирдж харгългъ кев. Теднәс кесгн В. И. Ленинлә чирәгъярн харгълдсн, терүнә гардврт көдлдж йовсн улс. Эдн ургъмл цецгсәс кесн венокс мавзолейин тевцнъд тавб. Кремлевск негдгч пулеметн курсин командирмүд болн курсантнр бас венок тавцхав.

Эн өдрин эргцд В. И. Ленинә Центральн музейд кесг минъгън күн ирв.

Апрелин 22-г Челябинск областин Миньярск района күч-көлсчнр олар коммунистическ субботник келгъяр темдглев. Селадән тедн кеерүлдж ясв.

Ленинә балгъсн — Ленинградин күч-көлсчнр алдр вождин төрдж гарсн өдриг байртагъар темдглев. В. И. Ленинә нертә электротехническ институтин сургъулин шин герт Ленинск умшлгъна зал байртагъар секлгън болв. Эн институтд В. И. Ленин нуувчинәр кесн көдлмшт нерәдсн тавц деер шин материалмуд тавгдсн бәәнә.

Оперин болн балетин, С. М. Ровин нертә театрт асхнднр рлюцд түрүн орлцачнр, Ильичиг әд, энүнлә хамдан көдлджәсн улс, производствин шинрүләчнр, наукин, культурин болн искусствин үүлдәчнр, партийн болн советск көдләчнр цуглрцхав. «Владимир Ильич Ленин төрдж гарад 88 джил болджах өнн» гидг доклад КПСС-н Ленинград балгъсна комитетин сәгләтр А. А. Петров кев.

Украинә хотл — Киев сәәхрүлдж кеерүлгддж. Площадьст, уульнцст Владимир Ильич Ленинә зургуд, Советск Союзин Украинск ССР-н, ах-дү болгч союзн республиксин государственин тугмуд бәәнә. Оперин болн балетин Т. Г. Шевченкон нертә театрт күч-көлсчнрин элчнрин байрин хург болв.

Байрин хургуд бас Ульяновск, Минскд, Бакуд, Алма-Атад, Львовнүст, Таллинд, Тбилист, Грознд, Улан-Удәд, Сталинскд, Хабаровскд, Ташкентд, Южи-Сахалинскд, орн-нутгин наадк балгъсдар чиги кевд. (ТАСС).

* * *

Элст балгъсна кинотеатрт В. И. Ленин төрдж гарад 88 джил болснднр нерәдгдсн хург болв. Хургт КПСС-н танъгъчин комитетин негдгч сәгләтр ұр Н. И. Жезлов доклад кев. Хургин х өбн „Ленин в Октябре“ гидг кино үзүлгдв.

Т. ПРИМОРСКИЙ.

* * *

Апрелин 22-т Яшкульск района цуг совхозмудар болн МЖС-р В. И. Ленин төрдж гарад 88 джил болснд нерәдгдсн хургуд болв. Райцентрт болсн хургт көдлмшчнрин болн цергләчнрин өмн КПСС-н Яшкульск райкомин негдгч сәгләтр ұр Азыдов И. Ф. доклад кев.

Докладин х өбн Яшкульск дундин школин сургъульчнр багш Хусаиновин гардврта, нәр-наад үзүлцхав. Доклад болн нәр-наадн хургт ирсн көдлмшчнрт болн цергләчнрт йир таасгдв.

В. АЛЕКСАНДРОВ.